

# SIFE UMS laksanakan projek Borneo Coco

Um 25.07.2012 30

KOTA KINABALU 24 Julai - Students In Free Enterprise (SIFE) Universiti Malaysia Sabah (UMS) telah mengadakan projek Borneo Coco bagi membantu peniaga gerai di Jalan Sulaman dekat sini.

Pegawai Perhubungan Awam UMS, Salbinous Saribun berkata, melalui projek itu SIFE UMS telah membantu komuniti peniaga di situ menghasilkan produk daripada bahan buangan seperti kelapa dan lokan.

"Ia mendapat sambutan menggalakkan dalam kalangan peniaga. Gerai mereka menjadi lebih bersih dan menarik, sekali gus menarik lebih ramai pengunjung," katanya di sini baru-baru ini.

Salbinous berkata, penghasilan produk kreatif itu merupakan salah satu insentif daripada SIFE UMS untuk menyelesaikan masalah pembuangan sampah di Jalan Sulaman dan menjadikannya produk komersial.

Katanya, usaha SIFE UMS dan kegigihan komuniti di Jalan Sulaman juga telah menarik minat peniaga gerai membuka koperasi sendiri dan mendapat keuntungan yang lebih.

"Kita bukan mengharapkan wang ringgit dan bukan juga nama yang dikejar tetapi melihat kejayaan komuniti dibantu merup-



**SEORANG peserta SIFE UMS (kanan) memberikan penerangan berhubung kemahiran perniagaan dalam projek Borneo Coco di Kota Kinabalu, baru-baru ini.**

kan insentif utama perjuangan SIFE UMS untuk terus membantu komuniti setempat.

"Harapan SIFE UMS terhadap setiap komuniti yang dibantu adalah supaya mereka dapat berdirikan dan menggunakan segala ilmu dan

bantuan yang diberikan SIFE UMS untuk terus maju," ujarnya.

Beliau berkata, SIFE UMS juga berharap lebih ramai pihak sama ada kerajaan, swasta dan individu tampil membantu komuniti peniaga khususnya peniaga gerai kecil-kecilan.